

scomenzà contratar el comprar in quel tempo stretto, per haver la roba per mancho. Se l'è devedado a li navilij de partir, avanti non sia compido el vender e 'l comprar, se lamentano et trovano scusa; et si ge vien devedà del vender e del comprar, portano quello se atrovano in mazageni, et lassano le spezie fino a l'altro anno che dia vegnir. Per questa neccessità i merchadanti mori convien vender le specie per forza, et perdano. La serenità del doxe comandano a l'horo, come, subito zonti in Alexandria, che debia comprar et vender; et che ge faza termine tanti zorni deputadi, che possino far i fatti soi, et che mori se possa acomodar; et se niuna de le do parte, franchi e mori, far volesse contra el pato, ge sia dato torto a l'horo. Et zercha quello che dixè la vostra serenità, che ge son alcuni che dizeno ai merchadanti venetiani, se voleno venir a tuor specie da l'horo con sua comodità, che fazino quello pari utile et a preposito suo et più sicuro, et se questo ge par a l'horo mior partito de quello de' mori, lo debino far; et che nui non volemo restar de perseguitar choloro ve mandano a dir queste cosse, et havemo aparechiato assai navilij et campo per mandar al Ziden contra coloro; et speremo in Dio glorificato, che sia sequito quello che desideremo contra l'horo, et de tajar la sua radixe con lo ajuto de Dio et del suo apostolo. Et havemo comandà, che sia scontrà le scritture et capitoli mandati de qui, con i comandamenti mandati di Alexandria li. Havemo trovati in le scritture capitoli di piuj di quello se atrova ne li comandamenti, che hanno ditto i merchadanti venetiani, cossa senza raxon et senza sustanzia. Questo proziede da la sua malizia et chatività; et questo per occullar le sue buxie. Havemo comandà, al presente, che fusse osservato i comandamenti di soldani vechij passati, et che doveseno haver execution, senza alcuni capitoli in la scrittura ne havete mandato, ne havemo risposto a capitolo per capitolo; et havemo mandato i ditti capitoli con el ditto messo, et havemo comandato che fusse scritto uno comandamento maraba et uno altro longo, a similitudine di comandamenti vechij del tempo di soldani vechij, de capitolo per capitolo et parola per parola. Et per confortar el cuor di merchadanti, e per tuorge tutte le sue scuse, la vostra serenità debia mandar a chiamar i merchadanti venetiani et farli buon cuor et avisarli, che stagino con el suo cuor senzier senza fastidio alcun, securi de la vita et de la roba, et debia andar ne li paesi consueti, secondo l'uxanza; et i consoli, che vegnino in Alexandria, debiano *etiam* l'horo conservar le uxanze, merchadanti et

fattori; et che comanda, che non debiano romper le uxanze; et che i consoli non possino star piuj de anni do in Alexandria, secondo la consuetudine; et che tutti sui navilij, che come serano zonti in Alexandria, serano securi sotto la securità de Dio et del suo propheta, et *etiam* sotto la nostra securità, et da nui non è per esser molestati; et volemo observar i patti, che havemo comandà che sia comandà esser rinovati; et si niun de li nostri signori scrivani, o ver comessi, i farano despiacer alcuno, serano puniti et haverano da nui cossa ge despiazerà. Et questa è la risposta, che respondemo a la serenità del doxe. Dio conserva la sua vita.

Da anni 912 del suo propheta, a di primo dil mexe di la luna di marzo.

In Christi nomine

1507, a di ... mazo, in Venecia.

113

*Capitoli conclusi tra la illustrissima Signoria nostra et el magnifico orator dil serenissimo signor soldan.*

Primo. Che li rami faremo condur in Alexandria, per satisfazion et pagamento de quanto dia dar el cotimo nostro, siano fatti tuor, per el serenissimo signor soldan, a tutti quelli dieno haver, a piuj precio di quel valeno im bazaro, per rispetto de li gran danni hanno auto li nostri merchadanti; o ver quelli far dar im bazaro a diverse persone a piuj precio di quel choreno, come esso serenissimo signor soldan à promesso di suo bocha piuj fiate, al chaschi mandato et Francesco da Monte, farli tuor; et el trato de essi rami, o ver li debitori de quelli, siano consignati a cui doverà haver dal cotimo nostro, non corendoli piuj uxura di quello rimaseno d'acordo nel principio deteno i danari.

2.º Che, *de cætero*, non se sia ubligati tuor salvo le sporte 210, zoè 210, piper, era consueto tuor la nation, al precio di ducati 80 la sporta; et, se el serenissimo signor soldan non el volesse darlo a tal precio, non se sia ubligati a tuorlo per piuj precio, ma, volendolo vender a piuj precio, lo vendi con cui potrà romagnir d'acordo, non siando mai astreto alcun nostro merchadante a comprarlo; et se una muda non lo havesse dato, l'altra muda non se sia ubligati tuorlo, salvo le sporte 210 solamente, al ditto precio di ducati 80, per quella muda el sarà dado, intendando de quella muda che se farà facende.

3.º Che le galie nòstre andarano in Alexan-